

**OFFICE OF THE EXECUTIVE COMMITTEE,  
KHASI HILLS AUTONOMOUS DISTRICT COUNCIL,  
SHILLONG.**

NO.DC.RBF/XII/24/2011/4

Dated: Shillong, the 3<sup>rd</sup> June, 2011.

Ha

\_\_\_\_\_  
Syiem, Sirdar, Lyngdoh,  
Wahadadar, Syiem Raid, Sordar Raid/ Shnong, Rangbah Shnong.

Ka Ri jong ngi la ju tip da baroh kum ka ri kaba khuid bad ka jait bynriew kaba lehkhuid. Ha kine ki khyndiat snem ngi shem ba ka jingbret jaboh bret jakhlia bad khamtam leilei ki kynja plastic ba har rukom ha lynti ha syngkien, harud surok bad ha man ki jaka. Suki suki, kane ka theh ñiut bad bret plastic kan bam lut ia kane ka Ri jong ngi. Naduh ki thain sor haduh ki thain nongkyndong kane kane ka jingbret jaboh bret jakhlia pathar ka la nang pur. Kumjuh ruh la shem ha ki jaka jngohkai tourist ne ki park ne kine ki jaka bam khana. Suki kane ka jingbret ia ki plastic ba har rukom bad ki bitor kan sa ktah ia ki khlaw ki btap, ki tyllong um, ki wah bad ia ka mariang jong ngi baroh kawei; bad kan ktah ruh ia ka jingkoit jingkhiah jong ngi hi. Kaba kham ma shuh shuh ka long ba kine ki plastic kim pyut (non-degradable) bad haba kine ki don sah hapoh khyndew kan ktah shikatdei eh ia ka rep ka riang, ka kha ka pun bad ka iap ka im ia ngi ki rit paid.

Ka Khasi Hills Autonomous District Council kam banse shuh haba ka la iohi ia kane ka jingma bad ka shim ia kane ka kamram ban iada ia ka jingkhuid bad jingiada ia ka mariang bad na ka bynta ka jingkoit jingkhiah ki paid nongshong shnong ha Khasi Hills. Lyngba kane ka Purwana, Ka KHADC ka kyrpad iaphi ki Dorbar Hima, ki Dorma Raid bad Dorbar Shnong ba phin ia kitkhlieh lang bad pyntreikam ia kine harum:-

1. Ban hikai, ban pynsgewthuh bad ban ia kitkhlieh ban nym bret jaboh bad khamtam lei lei ia ki kynja plastic bapher bapher ha kat shaba sngewmon.
2. Ban buh ki jaka bret jaboh bret ñiut bad man ki iing ki dei ban thang ia ki plastic ha la ki jong ki jong ki kyrpong iing la jong.
3. Ki Hima bad ki shnong kiba dang don jaka ki dei ban thaw ia ki jaka bret ñiut bad ban thaw ha kata ka rukom kaba lah ban thang lut ia ki kynja plastic baroh khait. Ia kito ki ñuit kiba kylla sboh dei ban buh la ka jong ka jaka ne thliew ban pynkylla sboh.
4. Na ki iew ki hat dei ban pyniapher hapdeng kito ki ñiut kiba lah ban long sboh bad ki kynja plastic pat la ka jong.
5. Ki jaka tourist ne ki jaka bam khana paidbah ne ki park ki dei ban don ki kyndon ban theh ñiut bad khamtam leilei ia ka bret plastic bret jaboh bad jingpynpait bilor ki nongwan`kai, ia kane ryngkat bad kito kiba peit ia kito ki jaka ne dukan ban treilang.

**Secretary to the Executive Committee**  
Khasi Hills Autonomous District Council,  
Shillong.